

mittatur, quæq; testis sit substantia, obseruare. Atque hæc primùm in uno quidem teste, dein in altero sunt examinanda. Quippe uix prima fronte hæc omnibus erunt obuia, quum hæc nemo hæc assecutus fuerit. Vnde etiam eadem administratione perpetuò non est utendū. sed quum commemoratam in dextro teste tentaueris, integrum tibi erit sinistrum tuo arbitratu aggredi. Examinatis ad hunc modū testibus, ipsorumq; nihil reiecto, penis musculi & ipsius corpora, deinde uesica & urinarij meatus, & reliquus semen deferentiū uasorum ductus, insertioq; cum adenofo assistente, & omnium uenis, arterijs, & nervis secunda ueniunt. Diductis itaq; cadaueris cruribus, & cute uti monuimus ab interfemineo adempta, primū duos musculos ab orbiculari musculo recti intestini in penis radicem, & potissimum in meatum urinæ seminiq; communem pertinentes aggredieris. dein alios duos, qui ab humiliori pubis ossium sede originem ducentes penis corporibus inseruntur, adimes, ac illico penis corporum originem examinas, acuto cultello dextrum corpus ab osse unde pronascitur, quam poteris proximè diuidens. Deinceps uerò in penem excurrentibus uenis, arterijs & nervis perfunctorie hic perpenſis, ossa pubis inuicem sunt seiungenda, quod fiet ocyus, si uesicæ corpus à peritonæi parte pubis os succingente, cultello diremeris, & deinde cultro quàm minimè crasso pubis ossium cartilaginem recta sectione penitus diuideris. Nouacula enim quum crassior sit, illi officio non æquè est accomoda. Mox uno cadaueris crure in mensa relicto, & alio ab illa propendente, ita cadauer in mensa reclinabis, ut ipsius os sacrum mensæ lateri incumbat, & ut diductis cruribus, ad trium quatuorue digitorū latitudinem pubis ossa inuicem seiungas. parum enim aptè feceris, si pubis ossium portionē exemeris, quod id & fiat incommodè, & præter alia multos ita uitaueris musculos, neque ullus postmodum ossium usus ad sceleti præparationem futurus sit. Quapropter pubis ossium cartilagine dissecta, & dein ipsi ossibus uti diremptis, primū à renibus urinarij meatus à suis membranis quibus obuoluuntur sunt liberandi, atque ad uesicæ usque corpus perducendi: deinde uasa semen deferentia quæ ad pubis ossa deorsum in peritonæi amplitudinem reflectuntur, pari modo ad glandosum assistentem usque expin- guioribus quibus integuntur membranis denudandi, atque in eo opere fodalibus manu uesicam modò in dextrum, modò in sinistrū comprimere est necessum, idq; maximè quum uenæ cauæ & magnæ arteriæ feriem hac in sede inquires. Hæc nanque iam uenit expendenda, ac primū rami quos uena & arteria lumborum uertebreis & spinæ, ab dominisq; musculis & peritonæo exporrigunt, qui omnes sunt repertu faciles, si uenam & arteriam nunc in hoc, nunc in illud latus ualidius reflectas, & nervos qui sub illis feruntur obtuso cultello quoque inquires, ac de- mum ad ipsorum quibus inseruntur organa deducas: illos dico, qui testibus & uesicæ fundo exporriguntur. Porro rami uenæ ac arteriæ post ipsarum super os sacrum bipartitionem ex- currentes, in conspectum ueniunt, si radicibus semper animum adhibueris, & cultello retusiori, ne ramorū aliquem uities, ipsorum sequaris processum ductumq; & id eo leuiori præstiteris negotio, quo nostras uasorum delineationes diligentius operi accommodaueris. Verū ubi hæc diligenter eris intuitus, sinistrum penis corpus à pubis osse etiam dirimito, & quàm po- teris commodissimè uesicam, ipsiusq; ceruicem à recti intestini termino, cui fortium fibrarum interuentu hæret, diuidito, abscidis interim uenis & arterijs in uesicā penemq; excurrentibus: quas si prius uinculis fortè intercepteres, parum profectò sectioni obesses. Vesicam modò simul cum pene exemptam, alteri cruri aut asserculo impones, & denuò feminalis uenæ ac arteriæ du- ctum uersus testem, & à teste dein semen deferentis uasis ad glandulosum assistentem progres- sum obseruabis, quo denuò exactius feminalium uasorum harmoniam expendas. Post hæc musculum uesicæ meatui præfectum examinas, & oblongiori stylo penis glandi ad uesicæ usque fundum imposito, uesicæ meatum à glande ad ipsius usque fundum cultello secundum stylum porrecto diuides, ut simul uesicæ cavitatem, & ipsius tunicā, & urinam deferentium meatuum insertionem, & semini urinæq; communem meatum peni exporrectum intuearis. Alicubi igitur urinarium meatum ex renibus in uesicam pertinentem forato, stylumq; ad uesi- cæ fundum usque indito, ut membranulas meatus illius ori in uesicæ fundo connatas species, quamquam etiam integrum sit, ex uesicæ fundo stylum ipsius meatibus indere. Corpus uerò glandosum semen deferentium uasorum suscipiens implantationem, ut lubet poteris discinde- re, & quo nam pacto ea uesicæ meatui immittantur perquirere. Postremò uesicæ ceruicem à duobus penis corporibus ad glandem usque cultello secernes, ac deinde duo corpora quoad poteris inuicem dirimes, quamq; habeant formam, quæq; natura ad glandem sint prædita con- spicies. Ut uerò adamussim ipsorum discas substantiam, peni nunc transuerſas, nunc longas,

*Penis muscu-
lorum examē.*

*Penis corpo-
rum ortus, &
uenarum, arte-
riarum, et ner-
uorum huc per-
tinentium exa-
men.*

*Pubis ossa qui
dirimenda.*

*Urinariorum
meatum adue-
scam, & uaso-
rum semen de-
ferentium ad
glandosum ue-
sicæ corpus e-
xamen.*

*Cauæ & ar-
teriæ magnæ
distributioni
sub osse sacro.*

*Musculi cer-
uicis uesicæ, ip-
siusque uesicæ
fundus et cerui-
cis examen.*

*Penis corpo-
rum.*

*Recti intesti-
ni musculorū.*

soboles. Vbi id quoque præstiteris, recti intestini finem ex corpore exsectum abijcies. Deinde cautam uenam qua primū sub iecore conspicitur, & magnam arteriam quæ septum transit, deinde ipsarum præcipuos ramos crus adeuntes uinculo duplici intercepties, ut simul cum re- nibus si adhuc eos in corpore reliqueris, uenas omnes, arteriasq; ex uentre auferre liceat. ita enim peritonæi disces ortum, & musculos & nervos quoque crus petentes, si fortassis illos postmodum aggredi statueris, incorruptiores longè habiturus eris. Iecur autem, ut & antea di- xi, tantisper illæctum seruandum est, quousq; cor respirationisq; organa administraueris. Atq; hæc quidem organorum nutritionis, generationisq; in uiro est administrandi ratio, in muliere uerò erit huiusmodi. Primū mamillarum uisurus naturam, in cute ab ipso iugulo deorsum (ut in uiris) ad umbilicum ducenda est sectio: deinde à iugulo secundum clauiculā alia ad um- mum usque humerum, cutisq; à mamillis non aliter ac si in alia corporis sede, ea ab adipe diui- deres, uenit liberanda. Mamillis cute detectis, & uenarum ramis qui à uenis in brachiū excur- rentibus illis porriguntur, perpenſis, dextram mamillam à musculo brachiū pectori adducen- te aufero, uenarum arteriarumq; examinans propagines, ab illis quæ musculis thoraci incum- bentibus deriuantur, in mamillam assurgentes. Vbi mamillarum corpus à thorace fuerit libe- rum, & adeps undique studioſissime ademptus, & uarijs per mamillarum corpus ductis sectionibus ipsarum substantiam condiscere licebit. Quamquam hæc quoque in uiro inquiri poterunt. is nanque si colore fusco & habitu sit obesiori, eandem quoque ostendet substantiā. Deinde & uenæ quoq; & arteriæ sub rectis latitantes musculis, pari modo in ambobus, etiam si magis in muliere expendentur, reliquaq; administratio ad uasorū usque feminalium ortum communis mulieri quoq; censenda est. Simulatq; igitur mulieris feminaliū uasorum originem didiceris, solis manibus adinueniendus est uterus & uesica, insuper testes & musculi & uenæ quoque cum arterijs uteri fundo & ceruici exporrectæ, priusquam scilicet aliquid diuidas. De- inde diductis cruribus à pubis osse utrinque secundum pudendi colliculos sectio in cute ad po- dicem usque ducenda est, ut deinceps inguina aliquoulsq; opportunè cute denudentur: & ea quæ in medio sectionibus interceptur, uersus pudendum quoque à pubis ossibus separetur, uuluaq; adhuc appensa maneat. Pubis uerò ossium cartilaginem, ut in uiris faciendum præce- pi diuides, ac illis inuicè quàm poteris maximè uti diremptis, mox cultello uenam ac arteriam feminales dextri lateris ad testem usque ex pingui cui obducuntur membrana nudabis, obser- uans ne ramos ab illis priusquam anfractus suos constituent, in elatiorem fundi uteri sedem exporrectos uulneres. Postquam uerò ad testem anfractus deduxeris, perinde ac in uiris ipso- rum insertionem & deferentis uasis processum, ipsiusq; in uterum insertionem, & testis sub- stantiam formamq; examinato, uas illud ex pingui cui inhaeret membrana liberans, quæ ue- sperationum alis imagini multum accedit. Postquam hæc in altero quoque latere obseruau- ris, animum adhibebis uenis ac arterijs inferiorem uteri fundi sedem, & ceruicem, uesicamq; adeuntibus, quæ in grauidis animalibus accuratissime, ut & illi qui à seminarijs uasis in uterū porriguntur, utq; etiam omnia uteri reliqua in conspectum ueniunt, quandoquidem in illis su- pra modum uenæ arteriæq; turgent. Vrinarij meatus à renibus in uesicam pertinentes, simili- ter ac in uiris ad uesicam usque à suis membranulis sunt emundandi, & deinceps uterus cum uesica ex corpore eximendus, dissectis in ipsum & uesicam procedentibus uenarū arteriarum & neruorum ramis, & membranulis uterum uasq; illa continentibus, & fibris quoq; quorum interuentu uteri collū intestino recto ualide continuatur unā amputatis. Exempti iam uteri for- mam contemplaturus, ipsius ceruicem inuolues, quo unā uesicæ ceruicis in illum pertinentis foramen, & uteri fundi orificium citra aliam sectionem uideas, & modò opportunè uesicam & ipsius ceruicē musculumq; urinæ meatui præfectū longa sectione diuidas, uesicæ amplitudinē & urinariorū meatuum insertionem, ipsiusq; ceruicis cum uteri ceruice coalitum inspecurus. Insuper uteri quoque ceruici eodem modò ad illius usque os longam sectionem inferes, ac acu- tiori nouacula uniuersum uterum secundum latera ab ipsius orificio ad cornua usque diuides. ita enim illius sinum, substantiam, formamq; exactissime cōtemplaberis. Porro si interdum gra- uidæ mulieris cadauer nactus, & uterū duntaxat cum fetu, ipsiusq; inuolucris intueri, animus fuerit, ilico à mucronata pectoris ossis cartilagine, ad pubis usque os acutiori nouacula sectio- nem molieris, quæ peritonæum quoque penetret: deinde aliam utrinque ab umbilico ad ilia molieris. Hæc nanque ratione ilico se uterus spectandum offeret: & si in alterum latus illum de- trueris, uenæ & arteriæ ipsi insertæ supra modum apparebunt turgidæ, adeo ut ipsarum neq; series neque ortus citra aliam administrationem latere possint. His itaq; uenis & arterijs unā cum uena & arteria sub recto musculo conscendentibus, diligenter obseruatis, leuem sectionem nouacula secundum uteri longitudinem tentabis, cauens ne altius quàm uteri est crassities pe- Aa 3 netres.

*Peritonæi or-
tus examen.*

*Quis modi di-
clarū partū
administratio
in muliere sit.
Mamillarū
examen.*

*Uteri ac uesi-
cæ situs qui ob-
seruandus.*

*Seminariū ua-
sorū examē.*

*Uteri uteri
fundi humilio-
rem sedem &
ceruicē peten-
tium.*

*Vrinariorū
meatum.*

*Fœtus ipsius
que inuolucro-
rum examen.*